

višestranačke demokratije i parlamentarnog sistema; iskustva i saradnja u implementaciji Dejtonskog sporazuma, posebno Aneksa 7. o povratku raseljenih lica i izbjeglica svojim kućama.

Nosilac posla: Skupština Tuzlanskog kantona
Rok: kontinuirano tokom 2022. godine

IV. OSTALO

Pored pitanja navedenih u prethodnim poglavljima i tačkama ovog programa, Skupština Tuzlanskog kantona će na svojim sjednicama razmatrati:

1. Informaciju o realizaciji Programa rada Skupštine Tuzlanskog kantona;
2. Informacije federalnih organa koji imaju organizacione jedinice na području Tuzlanskog kantona;
3. Mišljenja na federalne propise za koje je podijeljena nadležnost između kantona i Federacije BiH;
4. Ostala pitanja koja se nametnu kao posebno važna tokom 2022. godine, a koja su u nadležnosti Skupštine Tuzlanskog kantona;
5. Kolegij Skupštine će odlučiti o kojim informacijama će se obaviti rasprava samo na sjednicama radnih tijela, a po potrebi izvještaji radnih tijela će biti razmatrani na sjednici Skupštine.

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-667-11/21
Tuzla, 22.12.2021. godine

Predsjednik
Skupštine Tuzlanskog kantona
Sladjan Ilić, v.r.

1143

Na osnovu člana 54. stav (2) tačka 2. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) i člana 33. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), a u vezi sa članom 23. Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09 i 58/13), Vlada Tuzlanskog kantona, na sjednici održanoj dana 11.11.2021. godine, donosi

UREDBU

**o izmjeni i dopuni Uredbe o osnivanju
Ureda za borbu protiv korupcije i upravljanje
kvalitetom Tuzlanskog kantona**

I.

U Uredbi o osnivanju Ureda za borbu protiv korupcije i upravljanje kvalitetom Tuzlanskog kantona („Službene novine Tuzlanskog kantona“, broj: 10/21), u članu 7. u stavu (2) riječi „radnog iskustva“ zamjenjuju se riječima „radnog staža“.

Iza stava (2) dodaje se novi stav (3), koji glasi:

„(3) Sekretar Ureda neposredno rukovodi Uredom; zastupa i predstavlja Ured; organizuje zakonito i efikasno vršenje poslova iz nadležnosti Ureda; donosi opće i pojedinačne akte za koje je zakonom i drugim propisom ovlašten; u skladu sa zakonom i drugim propisima odlučuje o pravima, dužnostima i odgovornostima državnih službenika i namještenika iz radnog odnosa ili u vezi sa radnim odnosom; vrši druge poslove koji su zakonom i drugim propisima stavljeni u njegovu nadležnost.“

Dosadašnji stav (3) postaje novi stav (4).

II.

Ova uredba stupa na snagu danom donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A
Broj: 02/1-02-26026-1/21
Tuzla, 11.11.2021. godine

PREMIJER KANTONA
Kadrija Hodžić, v.r.

1144

Na osnovu dogovora postignutog na sastanku održanom dana 06.12.2021. godine između Pregovaračkog tima Vlade Tuzlanskog kantona i Pregovaračkog tima Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, dana 14.12.2021. godine, zaključuje se

SPORAZUM

**o utvrđivanju osnovice za obračun plaće,
naknade za ishranu u toku rada (topli obrok)
i naknade za korištenje godišnjeg odmora (regres) za
državne službenike i namještenike
u kantonalnim organima državne službe
Tuzlanskog kantona u 2022. godini**

I.

Strane potpisnice ovog sporazuma su saglasne da se obračun plaće za period januar- decembar 2022. godine, za sve državne službenike i namještenike u kantonalnim organima državne službe Tuzlanskog kantona vrši po osnovici za obračun plaće u visini od 331,00 KM (slovima: tri stotine trideset jednu konvertibilnu marku).

U osnovicu iz stava (1) ugrađene su važeće odredbe člana 49. Zakona o porezu na dohodak („Službene novine Federacije Bosne i Hercegovine“, br. 10/08, 9/10, 7/13 i 65/13).

II.

Strane potpisnice ovog sporazuma su saglasne da se naknada za ishranu u toku rada (topli obrok) za sve državne službenike i namještenike u kantonalnim organima državne službe Tuzlanskog kantona, za period januar – decembar